

## ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОЙИШИ

### **«ХАЛҚ БИЛАН МУЛОҚОТ ВА ИНСОН МАНФААТЛАРИ ЙИЛИ» ДАВЛАТ ДАСТУРИНИ ИШЛАБ ЧИҚИШ ВА АМАЛГА ОШИРИШНИНГ ТАШКИЛИЙ ЧОРА-ТАДБИРЛАРИ ТЎҒРИСИДА**

*(Ўзбекистон Республикаси қонун ҳужжатлари тўплами, 2017 й., 8-сон, 119-модда)*

Мамлакатда амалга оширилаётган демократик жараёнларнинг сифати ва натижадорлигини тубдан ошириш ҳамда инсоннинг ҳуқуқлари, эркинликлари ва манфаатларини, шу жумладан одамлар ҳаётининг муносиб даражасини таъминлаш, улар амалга оширилиши учун давлат органларининг роли ва масъулиятини кучайтириш, аҳоли билан очиқ мулоқотни йўлга қўйиш ва уларнинг мурожаатлари билан ишлашнинг янги самарали механизмлари ва усулларини жорий этиш, фуқароларни безовта қилаётган ҳаётий муаммоларни ўз вақтида ҳал этиш, «Инсон манфаатлари ҳар нарсадан улуғ» деган эзгу ғояни ҳаётга изчил жорий этиш мақсадида, шунингдек 2017 йил Ўзбекистон Республикасида «Халқ билан мулоқот ва инсон манфаатлари йили» деб эълон қилинганлиги муносабати билан:

1. «Халқ билан мулоқот ва инсон манфаатлари йили» Давлат дастурини ишлаб чиқиш ва амалга ошириш бўйича Республика комиссияси 1-иловага мувофиқ таркибда ташкил этилсин.

2. Республика комиссияси (А.Н. Арипов) жамоат ташкилотларини ва Ҳукуматга қарашли бўлмаган ташкилотларни, фуқароларнинг ўзини ўзи бошқариш органларини кенг жалб этган ҳолда вазирликлар, идоралар, хўжалик бирлашмалари, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда бир ой муддатда «Халқ билан мулоқот ва инсон манфаатлари йили» Давлат дастури лойиҳасини ишлаб чиқсин ва тасдиқлаш учун киритсин.

Вазирликлар, идоралар, маҳаллий давлат ҳокимияти органлари, хўжалик бирлашмалари, жамоат ташкилотлари ва Ҳукуматга қарашли бўлмаган ташкилотлардан тушаётган материаллар ва таклифларни умумлаштириш учун 2-иловага мувофиқ таркибда йиғма ишчи гуруҳ ташкил этилсин.

3. «Халқ билан мулоқот ва инсон манфаатлари йили» Давлат дастури лойиҳасини ишлаб чиқишда қуйидаги муҳим, устувор вазифалар амалга оширилиши бўйича аниқ таклифлар ва чора-тадбирлар ишлаб чиқилишига алоҳида эътибор қаратилсин:

қабул қилинган қонунлар, фармонлар ва бошқа қонун ҳужжатлари бажарилиши, давлат органларига юкланган вазифалар ва функцияларнинг бажарилиши бўйича улар ишининг самарадорлиги, улар томонидан инсоннинг ҳуқуқлари, эркинликлари ва манфаатларига риоя этилиши, фуқароларнинг мурожаатларига муносабат билдирилиши юзасидан Парламент ва жамоатчилик назоратининг доимий ишлайдиган таъсирчан механизмларини шакллантириш;

фуқароларнинг ва юридик шахсларнинг мурожаатлари билан ишлаш тизимини тубдан такомиллаштириш, аҳоли билан очиқ мулоқотни йўлга қўйишнинг янги самарали механизмлари ва усулларини жорий этиш, барча даражалардаги ҳокимларнинг, прокуратура ва ички ишлар органларининг аҳоли олдида ҳисобот бериши тизимини амалиётга жорий этиш, шу асосда халқнинг давлат ҳокимиятига бўлган ишончини мустаҳкамлаш;

жойларда «халқ қабулхоналари»ни ташкил этишнинг аниқ ҳуқуқий, ташкилий-амалий, моддий-техник ва молиявий асосларини белгилаш, уларнинг самарали фаолият кўрсатишини таъминлаш, фуқароларнинг мурожаатлари энг кўп тушадиган соҳаларда бюрократик тўсиқлар ва муаммоларни бартараф этиш чора-тадбирларини кўриш;

талаб этиладиган давлат хизматларини аҳолига «ягона дарча» тамойили бўйича бир идора орқали кўрсатиш тизимини янада такомиллаштириш, ушбу жараёнларга ва давлат

органлари фаолиятига замонавий ахборот-коммуникация технологияларини кенг жорий этиш, «Электрон ҳукумат»нинг самарали тизимини шакллантириш;

суд ҳокимиятининг чинакам мустақиллигини мустаҳкамлаш ва одил судловга эришиш, фуқароларнинг ҳуқуқларини ишончли ҳимоя қилиш институти сифатида адвокатуранинг роли ва аҳамиятини янада ошириш, суд-ҳуқуқ соҳасида адвокатларнинг ваколатларини кенгайтириш чора-тадбирларини амалга ошириш;

аҳолининг ҳуқуқий маданиятини ва молиявий-иқтисодий саводхонлигини ошириш, фуқароларни қонунни ҳурмат қилиш руҳида тарбиялаш тизимини шакллантириш, жамиятда ҳуқуқбузарликка тоқатсизликни кучайтириш, «Адолат — қонун устуворлигида» тамойилини жамият ҳаётида кенг қарор топтириш;

иқтисодиётни бошқаришда давлатнинг ролини босқичма-босқич камайтириш, давлат бошқаруви органларининг тузилмаси, вазифалари ва ваколатларини оптималлаштиришга, уларга хос бўлмаган бир-бирини такрорловчи функцияларни қисқартиришга, давлат хизмати институтини ислоҳ қилишнинг самарали тизимини шакллантиришга, давлат хизматчиларининг моддий ва ижтимоий таъминотини тубдан такомиллаштиришга, давлат хизматига замонавий фикрлайдиган ташаббускор, масъулиятли, касбий тайёрланган кадрларни жалб этишга йўналтирилган Маъмурий ислохотларни чуқурлаштириш концепциясини ишлаб чиқиш;

иқтисодиётнинг барқарор суръатлар билан ўсишини таъминлаш, иқтисодиётни ислоҳ қилиш ва эркинлаштириш ишларини кучайтириш, қишлоқ хўжалигини ислоҳ қилиш ва озиқ-овқат хавфсизлигини таъминлаш, кичик бизнес ва хусусий тадбиркорликни қўллаб-қувватлаш ва рағбатлантириш, тадбиркорлик фаолияти учун энг қулай шарт-шароитлар яратиш, хусусий мулкнинг ҳар томонлама ҳимоя қилинишини таъминлаш;

худудларни, айниқса ижтимоий ва иқтисодий ривожланишда нисбатан орқада қолаётган туманлар ва шаҳарларни, чекка аҳоли пунктларини комплекс, жадал ривожлантириш, тижорат банкларининг фаол иштирокида янги иш ўринлари яратилишини таъминлаш ва шу асосда иш ҳақи, пенсиялар, нафақалар ва стипендиялар миқдорларини босқичма-босқич кўпайтириш, аҳолининг ҳаёти даражаси ва сифатини ошириш;

муҳандислик-коммуникация, ижтимоий ва бозор инфратузилмасини ривожлантириш ва модернизациялаш, аҳоли ҳаёти шароитлари ва сифатини яхшилашга йўналтирилган янгиланган намунавий лойиҳалар бўйича арзон ва қулай уйлар қуриш бўйича мақсадли дастурларни амалга ошириш;

таълим, ижтимоий таъминот ва соғлиқни сақлаш тизимларини, шу жумладан оналик ва болаликни муҳофаза қилишни янада ривожлантириш, оила институтини мустаҳкамлаш, соғлом ва баркамол авлодни тарбиялаш, ёшларнинг иқтидорлари ва қобилиятларини рўёбга чиқариш, уларнинг ҳаётда муносиб ўринга эга бўлишлари учун кенг имкониятлар яратиш бўйича комплекс чора-тадбирларни амалга ошириш;

жамиятда ҳукм сураётган ўзаро ҳурмат ва бирдамлик вазиятини янада мустаҳкамлаш, миллати, дини ва эътиқодидан қатъи назар, барча фуқаролар учун тенг ҳуқуқлар ва имкониятлар яратиш, маҳалла институти, хотин-қизлар, ёшлар ташкилотлари, фахрийлар ташкилотларининг роли ва аҳамиятини кучайтириш, мамлакатимизда тинчлик ва хавфсизликни таъминлаш.

4. Мазкур фармойишнинг бажарилишини назорат қилиш Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикаси Президенти Ш. МИРЗИЁЕВ**

Тошкент ш.,  
2016 йил 17 декабрь,  
Ф-4760-сон

**«Халқ билан мулоқот ва инсон манфаатлари йили» Давлат дастурини ишлаб чиқиш  
ва амалга ошириш бўйича Республика комиссияси**

**ТАРКИБИ\***

- Арипов А.Н. — Ўзбекистон Республикасининг Бош вазири, Комиссия раиси  
Йўлдошев Н.Т. — Ўзбекистон Республикаси Олий Мажлиси Сенатининг Раиси,  
Комиссия раисининг ўринбосари  
Исмоилов Н.М. — Ўзбекистон Республикаси Олий Мажлиси Қонунчилик  
палатасининг Спикери, Комиссия раисининг ўринбосари  
Голишев В.А. — Ўзбекистон Республикаси Президентининг Давлат маслаҳатчиси  
Султонов Х.М. — Ўзбекистон Республикаси Президентининг Давлат маслаҳатчиси  
Муродов О.Б. — Ўзбекистон Республикаси Президентининг Давлат маслаҳатчиси  
вазифасини бажарувчи  
Раматов А.Ж. — Ўзбекистон Республикаси Бош вазирининг биринчи ўринбосари  
— «Ўзбекистон темир йўллари» АЖ раиси  
Азимов Р.С. — Ўзбекистон Республикаси Бош вазирининг ўринбосари  
Ибрагимов Ғ.И. — Ўзбекистон Республикаси Бош вазирининг ўринбосари  
Розукулов У.У. — Ўзбекистон Республикаси Бош вазирининг ўринбосари,  
«Ўзавтосаноат» акциядорлик компанияси бошқаруви раиси  
Икрамов А.И. — Ўзбекистон Республикаси Бош вазирининг ўринбосари, Соғлиқни  
сақлаш вазири  
Нарбаева Т.К. — Ўзбекистон Республикаси Бош вазирининг ўринбосари, Хотин-  
қизлар кўмитаси раиси  
Абдуллаев И.Б. — Ўзбекистон Республикаси Бош прокурори  
Газиёв Ш.А. — Ўзбекистон Республикаси Олий суди раиси  
Мухаммадиев У.Н. — Ўзбекистон Республикаси Олий Мажлисининг инсон ҳуқуқлари  
бўйича вакили (Омбудсман)  
Саидова Г.К. — Ўзбекистон Республикаси Иқтисодиёт вазири  
Ахмедбаев А.А. — Ўзбекистон Республикаси Ички ишлар вазири  
Абдуҳакимов А.А. — Ўзбекистон Республикаси Меҳнат вазири  
Икрамов М.М. — Ўзбекистон Республикаси Адлия вазири  
Касимов Р.С. — Ўзбекистон Республикаси Олий ва ўрта махсус таълим вазири  
Иноятов У.И. — Ўзбекистон Республикаси Халқ таълими вазири  
Мирзохидов Х.М. — Ўзбекистон Республикаси Ахборот технологиялари ва  
коммуникацияларини ривожлантириш вазири  
Аҳмедов Б.М. — Ўзбекистон Республикаси Маданият ва спорт ишлари вазири  
Муллажонов Ф.М. — Ўзбекистон Республикаси Марказий банки раиси  
Кучкарров Ж.А. — Ўзбекистон Республикаси Молия вазири  
биринчи ўринбосари  
Тохтаев А.Р. — Ўзбекистон Республикаси Давлат архитектура ва қурилиш  
кўмитаси раисининг биринчи ўринбосари  
Саидов А.Х. — Инсон ҳуқуқлари бўйича Миллий марказ директори  
Шайхов А.Э. — Ўзбекистон Савдо-саноат палатаси раиси  
Махамдалиев Б.Х. — Ўзбекистон Қасаба уюшмалари Федерацияси Кенгаши раисининг  
ўринбосари  
Хаджаев А.Д. — Ўзбекистон Миллий телерадиокомпанияси раиси  
Ҳазраткулов М. — Ўзбекистон Миллий ахборот агентлиги бош директори  
Мансуров К.Т. — Ўзбекистон матбуот ва ахборот агентлиги бош директорининг  
ўринбосари  
Абдувалиев А.А. — «Ўзавтойўл» компанияси раиси

- Махкамов И.Р. — «Ўзкоммунхизмат» агентлиги директори  
Саломов Ф.И. — «Ўзбекэнерго» акциядорлик жамияти раиси  
Султанов А.С. — «Ўзбекнефтгаз» миллий холдинг компанияси раиси  
Салимов У.З. — Ўрта махсус, касб-хунар таълими маркази директори  
Турдиев С. — Ўзбекистон Фермерлари кенгаши раиси  
Иногомов Ж.С. — Ўзбекистон «Маҳалла» хайрия жамоат фонди раиси  
Усмонов Ш.Г. — Ўзбекистон фахрийларини ижтимоий қўллаб-қувватлаш «Нуроний» жамғармаси раиси  
Косимов Н.У. — Республика маънавият тарғибот маркази раҳбари вазифасини бажарувчи  
Маврулов А. — Миллий ғоя ва мафкура илмий-амалий маркази раҳбари  
Ганиев Б.М. — Ўзбекистон «Камолот» ёшлар ижтимоий ҳаракати марказий кенгаши раиси  
Содиқов А.М. — Ўзбекистон Республикаси Президенти Девонининг бош консультанти  
Садиков Ш.М. — Ўзбекистон Республикаси Вазирлар Маҳкамасининг Ёшлар сиёсати, маданият, ахборот тизимлари ва телекоммуникациялар масалалари ахборот-таҳлил департаменти мудирини  
Қуронов М. — Ўзбекистон Республикаси Бош вазирининг маслаҳатчиси, Комиссия котиби

\* Изох: Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари лавозими бўйича Республика комиссияси таркибига кирилади.

Республика комиссияси аъзолари бошқа ишга ўтган тақдирда ушбу лавозимга янгидан тайинланган ёки тегишли вазифалар зиммасига юкланган шахслар унинг таркибига киритилади.

## Ўзбекистон Республикаси Президентининг 2016 йил 17 декабрдаги Ф-4760-сон фармойишига 2-ИЛОВА

### Материалларни умумлаштириш бўйича йиғма ишчи гуруҳ

#### ТАРКИБИ

- Муродов О.Б. — Ўзбекистон Республикаси Президентининг Давлат маслаҳатчиси вазифасини бажарувчи  
Раҳмонқулов М.Х. — Амалдаги қонун ҳужжатлари мониторинги институти директорининг ўринбосари  
Қуронов М. — Ўзбекистон Республикаси Бош вазирининг маслаҳатчиси  
Содиқов А.М. — Ўзбекистон Республикаси Президенти Девонининг бош консультанти  
Қўчқоров Ж.А. — Ўзбекистон Республикаси Молия вазирининг биринчи ўринбосари  
Тойчиев Н.Т. — Ўзбекистон Республикаси Вазирлар Маҳкамасининг Ҳуқуқий экспертиза ва халқаро шартномалар бошқармаси бошлиғи  
Садиков Ш.М. — Ўзбекистон Республикаси Вазирлар Маҳкамасининг Ёшлар сиёсати, маданият, ахборот тизимлари ва телекоммуникациялар масалалари ахборот-таҳлил департаменти мудирини  
Шукуров С.С. — Ўзбекистон Республикаси Вазирлар Маҳкамасининг Ёшлар сиёсати, маданият, ахборот тизимлари ва телекоммуникациялар масалалари ахборот-таҳлил департаментининг бош мутахассиси